

Y BWRDD GWEITHREDOL

DYDD LLUN, 10FED EBRILL, 2017

YN BRESENNOL: Y Cynghorydd E. Dole [Cadeirydd]

Y Cynghorwyr:

M. Gravell, D.M. Jenkins, P.A. Palmer, L.M. Stephens, J. Tremlett, H.A.L. Evans a T.J. Jones

Yr oedd y swyddogion canlynol yn gwasanaethu yn y cyfarfod:

Mr M. James	-	Prif Weithredwr
Mr C. Moore	-	Cyfarwyddwr y Gwasanaethau Corfforaethol
Mr G. Morgans	-	Cyfarwyddwr Addysg a Gwasanaethau Plant Dros Dro
Mr I. Jones	-	Pennaeth Hamdden
Ms L. Rees Jones	-	Pennaeth Gweinyddiaeth a'r Gyfraith
Mrs D Hockenhuil	-	Rheolwr Marchnata a'r Cyfryngau
Mrs M. Evans Thomas	-	Pen-Swyddog Gwasanaethau Democrataidd
Miss F. Rees	-	Uwch Swyddog Marchnata a'r Cyfryngau

Y Siambr, Neuadd y Sir, Caerfyrddin : 10.00 a.m. - 10.55 a.m.

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cynghorwyr L.D. Evans a G.O. Jones.

Bu i'r Cadeirydd longyfarch Côr Merched Sir Gâr ar ennill cystadleuaeth Côr Cymru dros y penwythnos. Bydd y côr bellach yn cynrychioli Cymru yng nghystadleuaeth Côr y Flwyddyn Eurovision 2017 yn Riga, Latfia ym mis Gorffennaf. Yn ogystal estynnwyd llongyfarchiadau i Ysgol Iau Llangennech ac Ysgol Teilo Sant ar gyrraedd rowndiau terfynol y gystadleuaeth.

2. DATGAN BUDDIANNAU PERSONOL.

Ni chafwyd dim datganiadau o fuddiant personol.

3. CWESTIYNAU Â RHYBYDD GAN AELODAU

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

4. CWESTIYNAU A RHYBYDD GAN Y CYHOEDD

Dywedodd y Cadeirydd nad oedd dim cwestiynau â rhybudd wedi dod i law gan y cyhoedd.

5. ADRODDIAD TERFYNOL GRWP GORCHWYL A GORFFEN Y PWYLLGOR CRAFFU ADDYSG A PHLANT 2015/16: CAU'R BWLCH CYRHAEDDIAD - DYSGWYR SY'N GYMWYS I DDERBYN PRYDAU YSGOL AM DDIM

Dywedwyd wrth y Bwrdd Gweithredol fod y Pwyllgor Craffu – Addysg a Phlant, yn ei gyfarfod ar 24 Medi, 2015 (gweler cofnod 8), wedi sefydlu Grŵp Gorchwyl a

Gorffen i gynnal adolygiad o'r bwlch cyrhaeddiad o ran dysgwyr sy'n gymwys i dderbyn prydau ysgol am ddim. Daethai'r adolygiad i ben ag 8 o argymhellion a oedd wedi eu llunio yn sgil ystyried amrywiaeth o dystiolaeth mewn cyfres o gyfarfodydd a gynhelid rhwng Rhagfyr 2015 a Thachwedd 2016.

Dywedwyd wrth y Bwrdd Gweithredol fod y Grŵp Gorchwyl a Gorffen, yn dilyn newidiadau diweddar yn y ddeddfwriaeth, wedi gofyn bod argymhelliad 6 yn cael ei newid fel a ganlyn:-

"Bod y Cyngor Sir yn lobio Llywodraeth Cymru ynghylch pwysigrwydd sicrhau a diogelu cyllid ar gyfer y tymor hwy i gefnogi ein disgyblion mwyaf difreintiedig."

Diolchodd y Bwrdd Gweithredol i aelodau'r Grŵp Gorchwyl a Gorffen ynghyd â'r swyddogion am lunio adroddiad rhagorol.

PENDERFYNWYD YN UNFRYDOL gymeradwyo argymhellion Grŵp Gorchwyl a Gorffen y Pwyllgor Craffu Addysg a Phlant ynghylch yr adolygiad o'r bwlch cyrhaeddiad o ran dysgwyr sy'n gymwys i dderbyn prydau ysgol am ddim, fel y nodwyd yn yr adroddiad, gan gynnwys newid argymhelliad 6 fel y nodwyd uchod.

6. CYNLLUN BUSNES EIN RHANBARTH AR WAITH (ERW) 2017-20

Bu'r Bwrdd yn ystyried Cynllun Busnes 2017/20 Ein Rhanbarth ar Waith (ERW), a oedd yn amlinellu'r trefniadau ar gyfer cyflawni gweledigaeth strategol ERW ac yn cydlynu cyfraniadau Awdurdodau Lleol, ysgolion a phartneriaid strategol.

Roedd y cynllun wedi cael ei gymeradwyo gan Gyd-bwyllgor ERW ac roedd yn nodi'r canlynol:-

- Gweledigaeth a Datganiad Cenhadaeth ERW
- Blaenoriaethau Rhanbarthol a Chenedlaethol
- Fframwaith Llywodraethu a Chynllunio Busnes, gan gynnwys Atebolrwydd
- Blaenoriaethau a Chynlluniau
- Canlyniadau

Byddai'r cynnydd o ran y Cynllun Busnes yn cael ei fonitro bob blwyddyn, ynghyd â monitro'r camau a gytunwyd yn rheolaidd a monitro materion ariannol bob chwarter.

PENDERFYNWYD YN UNFRYDOL nodi Cynllun Busnes ERW 2017-20.

7. NEWID I'R POLISI RHEOLI'R TRYSORLYS, STRATEGAETH A'R POLISI DARPARIAETH ISAFSWM REFENIW

Atgoffwyd y Bwrdd fod Cyfarwyddwr y Gwasanaethau Corfforaethol, yng nghyfarfod y Cyngor ar 22 Chwefror 2017, fel rhan o adroddiad strategaeth y gyllideb, wedi rhoi gwybodaeth i'r Cyngor am yr adolygiad parhaus o'r brif ffordd o ad-dalu dyled yr Awdurdod sef y Polisi Darpariaeth Isafswm Refeniw.

Bu'r Bwrdd yn ystyried adroddiad a oedd yn rhoi crynodeb o ganlyniad yr adolygiad ac yn nodi y dylai'r Cyngor ystyried newid y ffordd o ad-dalu benthyciadau'r Cyngor o falans gostyngol ar gost o 4% i ddull llinell syth a gyfrifir ar sail bywyd amcangyfrifedig yr ased o ran asedau sefydlog yr Awdurdod.

Felly cynigiwyd newid y Polisi Darpariaeth Isafswm Refeniw presennol, er mwyn iddo gefnogi darpariaeth flynyddol mwy darbodus, ar sail y canlynol:-

(1) Benthycia â chymorth a gwariant cyn 1 Ebrill 2008, fel yr oedd ar 31 Mawrth 2016 – i'w cynnwys yn y refeniw dros 40 mlynedd ar sail llinell syth, a bod y polisi hwn yn cael ei roi ar waith ar gyfer cyfrifon 2016-2017 ac ar gyfer Strategaeth Cyllideb Refeniw 2017-2018 hyd at 2019-2020;

(2) Benthycia heb gymorth - bod gwerth benthycia'r dyfodol yn cael ei gynnwys yn y refeniw dros 2 mlynedd neu drwy fywyd economaidd amcangyfrifedig yr ased os yw'n fyrrach;

(3) Y Polisi Darpariaeth Isafswm Refeniw ar gyfer Menter Benthycia Llywodraeth Leol Priffyrdd a rhaglen y fflyd i aros fel y mae wedi'i gymeradwyo ar hyn o bryd.

PENDERFYNWYD YN UNFRYDOL ARGYMELL I'R CYNGOR fod y newidiadau i'r Polisi Rheoli'r Trysorlys, Strategaeth a'r Polisi Darpariaeth Isafswm Refeniw, fel y nodwyd uchod, yn cael eu cymeradwyo.

8. CYFRADDAU BUSNES - CYNLLUN RHYDDHAD ARDRETHI'R STRYD FAWR 2017/18

Bu'r Bwrdd yn ystyried adroddiad a oedd yn rhoi manylion am Gynllun Rhyddhad Ardrethi'r Stryd Fawr a gyflwynwyd gan Lywodraeth Cymru am 2017/18. Mae'r cynllun yn darparu rhyddhad ychwanegol ar gyfer adwerthwyr y stryd fawr yn benodol, megis siopau, bwytai, tafarnau a chaffis sydd wedi gweld cynnydd yn eu hardrethi o ganlyniad i'r ailbrisiad gan Asiantaeth y Swyddfa Brisio yn 2017.

Gan mai mesur dros dro oedd hwn nid oedd Llywodraeth Cymru yn gwneud unrhyw newidiadau deddfwriaethol ond yn hytrach byddai'n caniatáu i awdurdodau bilio roi rhyddhad o dan y pwerau rhyddhad yn ôl disgrisiwn cyffredinol sydd ar gael o dan Adran 47 o Ddeddf Llywodraeth Leol (Cyllid) 1988.

PENDERFYNWYD YN UNFRYDOL

8.1 bod Cynllun Rhyddhad Ardrethi'r Stryd Fawr yn cael ei fabwysiadu am 2017/18;

8.2 bod rhyddhad yn cael ei roi, yn unol â chanllawiau Llywodraeth Cymru;

8.3 bod yr Aelod o'r Bwrdd Gweithredol dros Adnoddau yn penderfynu ynghylch unrhyw geisiadau nad ydynt o fewn cwmplas penodol y canllawiau neu y bydd angen rhoi ystyriaeth benodol iddynt.

CADEIRYDD

DYDDIAD